

天一閣藏明代方志選刊

天一閣藏明代方志選刊

惟揚志

ED56/12

一九六三年九月上海古籍
書店據寧波天一閣藏明嘉
靖殘本景印原書版框高二
一·四公分寬一六·〇公分

嘉靖惟揚志敘

明賜進士林郎奉

勅巡按直隸監察御史豫章胡植撰

郡縣視古侯國而無史官是
故經世之士當其任者以時
攷事而次其闕失以備一方
之史政之善則也古揚居九
州之一彭蠡震澤會稽之隅

罔不統屬而茲以一郡擅名
蓋先王經理疆界設官立牧
擇其中土而蒞治之古今相
沿文獻之萃彙風俗之覩記
惟茲則古揚之首也我
明興龍淮甸定鼎金陵率去
揚而右百里而遠其在

京師則貢道之脣吻也

列聖咸熙湛恩汪濊通衢中道
之域羣生澍濡洋溢乎王化
肆我

皇上應期集運建極中和而會
通之譬之四時春和物茂彬
彬乎雝雝乎豐亨豫大以振

邁古之弘烈而垂統至仁之
業恢墳典之嗣將肇茲而有
作能無待於韜軒氏之職也
乎此惟揚所爲志也夫備物
旅象以昭帝績大禹氏之敷
命也陳王會正明堂以定禮
樂此周公之開太平也循行

南國聽政甘棠采葑菲以陳
王事此騶虞之所以成化也
彼二聖一賢加意民物以宣
上德達下情如此其至矧植
與將

王命而觀風是職祇惟皇華之
賦與召南之咏履冰集木鼯

勉于諸大夫後寧無賴於此
乎抑此其文者也古之君子
攷風而知民德陳圖而察民
隱凡爲阻於其地不能身致
焉者之所需也乃若周爰諏
度因物阜通法天時地之財
以利民用而厚之生則在吾

心術之妙斟酌損益之權爲之感乎其中而非陳迹之所能什一也於戲關雎麟趾與周官之法度且然而况一郡之志乎有得於斯志之外者可以語其事焉爾

嘉靖壬寅秋九月望

| | | | | | | | | | |
|--|--|--|--|--|--|--|--|--|--|
| | | | | | | | | | |
|--|--|--|--|--|--|--|--|--|--|

1
2
3
4

5

嘉靖惟揚志敘

惟揚故有志矣時淹跡改非
完書也鄉大夫趙具區嘗修
之矣而年不及究亦未為定
論焉郡守雙橋朱君謂志事
為惟揚闕典亟具白於侍御
象岡胡使君蓋圖以儒術飾

吏事也使君曰嗟乎揚實古
名郡志而弗究可但已乎迺
以成績屬郡守郡守延儒萃
能公聽周庀夙夜事事無何
志成馳帙致桐且澂言以序
志桐展閱再再撫卷而歎曰
夫志豈其徒為也哉窮俯仰

以備三才綜古今以陳故實
公是非以定予奪志之義也
志而徒為謂之曰詭弗志可
也夫志豈其易為也哉必直
史以宰其異同必達才以志
其記睹必契載以極其探討
志而易為謂之曰陋將焉用

之夫志史之流也自昔先王之經世議制也天下有圖職方氏掌焉邦國有志小史掌焉四方有志外史掌焉凡以總於朝廷關乎政教非曰資觀美為也代沿赫季志義激矣而一二守令或用情焉通

方者間以為病此其述作者
難乎其已任也桐讀嘉靖惟
揚志乃知今斯之舉殆免於
為徒為易矣乎是志也會精
盡變理器昭為存注綴新隆
替具為肆正絀誣聲規植焉
一邦之信史也是志也蜀岡

盛大卿郡之良也實宗主之
掄選之庶司文學之羣彥實
羽翼之遡諸二十一史踵諸
寶祐遺志叅諸先儒緒論摭
諸鄉達私錄閱致而慎取之
孔子謂杞宋不足徵文獻不
足故也今廼知斯舉之信為